

Dictee 2016 door Sarien Bout – Sakko

1. Julder wete noe wè dà Thole 650 jaer stad is, 50 jaer geleeie è m'n 600 jaer stad gevierd.
2. Toen 'ei 'n groep vrouwen 'n groôt wandkleêd gemaekt.
3. Dat 'ang nog àltied in de raedzael van 't ouwe stad'uus.
4. Jan van Blois en Machteld van Gelre staen midden op 't kleêd.
5. Ons 'uus in de Kèrrekstraete stond er 400 jaer geleeie oak à.
6. D'r is netuurlijk vee an verspiekerd; mien familie weunt 'r sins 1807.
7. Je snap wè dat ons 'uus vol staet mit ouwe spullen van de voôrouwers.
8. Ik laet julder 'n schilderietje zien dat à m'n opa Flip Sakko in 1880 geschilderd 'eit van de Mart in Thole.
9. Die moôie ouwe waeterpompe uut 1758 kà je goed zien staen, toen 'adde ze de meziektente d'r nog nie voô gezet.
10. Toen stoeng d'r een groôte lantaern op, wiere de ruitjes toen nie kepot gegoôid?
11. De kèrreke die d'r op staet was de Waalse kèrreke, de Roamse kèrreke is pas in 1900 gebouwd.
12. M'n 'ebben oak 'n verzaemelieng biebel's g'orreve van de familie, àlle vertaeliengen vanaf de Staetebiebel tot noe.
13. M'n overgroôtmoeeder Maria, opoe Mietje, was 'eêl vroom.
14. Op zaeterdagmiddag poeste ze àltied de kopere sloten van de Staetebiebel.

15. 't Was 'n kedee, dien k, ze wier 'n beetje doaf en dae kon ze 'eël kwaed om woôre.

16. Op 'n dag sloeg ze 't oôre van de piespot, "Ikke doaf jie oak doaf" zei ze.

17. Julder zien dat ik gekleed gae in Thoolse dracht.

18. Onze streekdracht 'oôr net zo goed bie ons cultureel erfgoed as onze Thoolse tael.

19. Ik dienke dat 'r nog vee kante mussen zomàr op zolder lègge, dà 's toch zonde?

20. Noe 'oop 'k, à 't 'r over 50 jaer gevierd woôrdt dà Thole 700 jaer stad is, dat 'r dan vee mensen in dracht loape en dat iedereên dan fesoenlijk Thools kan praete.